



úti er ævintýri

prinsinn vakti mig af blundi
með kossi grófum og blautum
bað mig um að spila lag
með gítar, trommum og flautum

ég elda fyrir hann
og sjö litla gesti
þeir eru allir dónar
en prinsinn er sá versti

engu ég fæ að ráða sjálf
hann lætur mig ei vera
biður mig um að sitja stillt
og láta lítið á mér bera

ég beit alltaf á jaxlinn
fékkst aldrei til að kvarta
en að lokum fannst prinsinn dauður
stunginn með glerskó í hjarta

Embla Bachmann

